

aliqua alia exquisita forma ad hoc servanda foret, tenores hujusmodi, acsi de verbo ad verbum nihil penitus omisso, & forma in illis tradita observata, inserti forent, presentibus pro plene, & sufficienter expressis habentes, illis alias in suo robore permanentibus, hac vice dumtaxat harum serie specialiter, & expresse derogamus contrariis quibuscumque. Aut si aliquibus communitate, aut divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Fides danda transumptis.

Dat. die 23. Martii 1607. An. II.

§.7. Volumus autem, quod presentium transumptis, etiam impressis, manu alicujus Notarii publici subscriptis, ac sigillo personae in dignitate ecclesiastica constitutae munitis, eadem prorsus fides in iudicio, & extra adhibeatur, quae ipsis presentibus adhiberetur, si vere, & realiter essent exhibitae, vel ostensae.

Datum Romae apud Sanctum Petrum sub Annulo Piscatoris, die 23. Martii 1607. Pontificatus nostri Anno II. (a)

LXVII.

Ex Regest. in secret. Breu.

Facultas Card. de Jojosa absolventi Ducem, Senatam, Statutarios, Consultores, & alios Reipublicae Venetiarum Ministros &c. a censuris per eos incurfis, necnon interdictum a dicta Civitate amovendi.

Venerabili Fratri nostro Francisco Episcopo Sabinesi S. R. E. Cardinali de Jojosa nuncupato.

PAULUS PAPA V.

Venerabilis Frater salutem, & Apostolicam benedictionem.

Procerum.

Vices illius, quamquam immeriti gerentes in terris, qui visitat in virga iniquitates hominum, & in verberibus peccata, misericordiam autem suam non dispersit ab eis, multaque miserationis est, & praestabilis super malitia, eos, quibus errantibus inviti adhibuimus virgam Ecclesiasticae disciplinae, reversos in viam, libenter paternam complectimur misericordia, & benignitate.

Pontifex Venetiam Urbem Ecclesiastico subposuerat interdicto ob violantiam Ecclesiasticam libertatem.

§.1. Dudum siquidem Leonardum Donatum Ducem, & Senatam Reipublicae Venetorum, Statutarios, & eorum Consultores, Fautores, & adherentes, quod Dux, & Senatus ipsius Reipublicae certas leges contra Ecclesiasticam libertatem, Sedis Apostolicae auctoritatem, ac generalibus Conciliis, & Sacris Canonibus, ac Roma-

(a) Quinque post dies confirmata fuit facultas a Praedecessoribus Pontificibus concessa Episcopo Ostiensi, & Velletrensi cognoscendi Causas Incolarum Diocesis Velletrensis, & quidem in prima, & secunda instantia in Urbe Velletrensi, in tertia vero in Romana Curia.

norum Pontificum Constitutionibus repugnantes, nulliter, & de facto condidissent, & promulgassent: praeterea duas personas Ecclesiasticas, videlicet, Brandolinum, Valdemarinum Abbatem, seu Commendatarium Monasterii de Herveta Tarvisinae Diocesis, ac Scipionem Saracenum Canonicum Vicentinum, pariter de facto, & Ecclesiasticam violando immunitatem, ob quaedam praetensa delicta Carceratos tenebant, prout nunc tenent, ex debito pastoralis officii, quo divina dignatio fungi voluit humilitatem nostram, canonica monitione praemissa, excommunicavimus, & excommunicatos declaravimus, Civitatemque Venetiarum, & universum Venetorum Dominium Ecclesiastico supposuimus interdicto, & alias contra eos processimus, prout in nostris sub hujusmodi forma Brevis literis expeditis, ac datis die 17. Aprilis proxime praeteriti, plenius continetur.

§.2. Cum autem, dum eorundem Leonardus Ducis, & aliorum praedictorum expectamus correctionem, Charissimus in Christo filius noster Henricus Galliae Rex Christianissimus per dilectum filium nobilem virum Carolum de Alincourt ejusdem Henrici Regis apud Nos, & Apostolicam Sedem Ordinarium Oratorem primum, & deinde Charissimus etiam in Christo filius noster Philippus Hispaniarum Rex Catholicus per dilectos etiam filios nobiles viros Franciscum de Castro ejusdem Philippi Regis apud dictam Reipublicam extraordinarium, & Inicum Cardenas Ordinarium Oratores nomine, ac de ordine, & ad requisitionem, virtuteque commissionis ejusdem Reipublicae, supplicationibus Nobis super hoc humiliter porrectis, apud Nos intercesserant, ut quoniam, sicut ipsi Oratores, ac demum etiam Fraternitas tua scriptis Nobis affirmasti, ipsi Leonardus Dux, ac Senatus praedicti circa contenta in dictis literis nostris jam aliqua ex parte satisfecerunt, & plenius satisfacere intendunt, eosdem, & alios praedictos a dicta sententia excommunicationis contra eos a Nobis lata, & promulgata absolvere, & liberare, interdictumque amovere de benignitate Apostolica dignaremur.

§.3. Hanc ob rem, Nos morem Ecclesiae, quae nemini ad se post errata humiliter redeunti claudit gremium, cum misericordia servare, facti, exemplo Apostoli, infirmi, ut infirmos lucrifaciamus, ac praedictorum Regum praemissis, necnon aliorum Christianorum Principum, qui pro iisdem Leonardo Duce, & Senatu praedictis pariter instantes supplicando apud Nos intercesserunt, sen intercedi fecerunt, precibus honorem habere, ac praedictorum Leonardus Ducis, & Senatus, & aliorum praedictorum saluti consulere paterna charitate volentes, Fraternitati tuae, de cujus fide, integritate, & prudentia plurimum in Domino confidimus, Venetis proficiscenti, tenore presentium committimus, & mandamus, quatenus si, & quando iidem Leonardus Dux, & Senatus, alique praedicti in

Gallia, Hispaniaque Reges Senatus nomine, absolutionem petunt.

Facultates ad hoc necessarias Cardinali Giojose tribuit Pontifex.

iis, quae tibi significavimus, satisfactionem praestiterint, eaque realiter, & cum effectu adimpleverint, & non alias, ipsum Leonardum Ducem, ac Senatam Venetorum, Statutarios, & eorum Consultores, Fautores, & adherentes praedictos, ab excommunicationis sententia a Nobis indictis, & aliis quibuslibet literis nostris, contra eos lata, & promulgata, in utroque Foro penitus, & omnino, auctoritate Apostolica absolvas, & liberes; Necnon Ecclesiasticum interdictum praedictum remittas, tollas, & relaxes, ac Sanctis Ecclesiae Sacramentis eosdem restituas, imposita eis poenitentia, quae tibi videbitur, salutari: Nos enim, stantibus praemissis, pro praedictis omnibus, & singulis faciendis, & exequendis, eidem Fraternitati tuae, tenore presentium, eadem auctoritate Apostolica facultatem tribuimus, & impertimur.

Contraria tollit.

§.4. Non obstantibus praemissis, ac supranominatis, & aliis literis nostris, ceterisque contrariis quibuscumque. Volumus autem, quod per praesentes nostras, ac per quemvis actum a Fraternitate tua, mandato, & auctoritate nostris hujusmodi, ac virtute presentium, quomodolibet facien, libertati, immunitati Ecclesiasticae, necnon juribus Sedis, & Camerae Apostolicae quibuscumque, & signanter declarationibus nullitatis, & invaliditatis praedictarum legum a Nobis in praedictis literis factis, & promulgatis, necnon Capitulis, & conventionibus cum se. rec. Julio II. Praedecessore nostro, ac praedicta Republica, seu ejus legitimis Procuratoribus initis, & juratis, die 24. Februarii anni 1570., & omnibus, & singulis in eis contentis, nullum omnino praedictum quomodolibet inferatur: quinimo a dictis declarationibus, Capitulis, & conventionibus, omnibusque in his contentis nullo modo recedere intendimus, aut eis in aliquo derogare, sed salva semper esse, & fore, neque alias poenas, occasione praemissorum ab eis incurfas, remittere, & ita decernimus, & declaramus.

Dat. die 4. Aprilis 1607. An. II.

Datum Romae apud Sanctum Petrum, sub Annulo Piscatoris die 4. Aprilis 1607. Pontificatus nostri An. II.

LXVIII.

Ordinationes, & Statuta super honore regimine Congregationis Cassinensis Monachorum Ordinis Sancti Benedicti.

Quae ad hanc pertinent Congregationem, vide in Constit. II. Julii II. Super Cathedrali Po. III. Par. III. fol. 260.

PAULUS PAPA QUINTUS

Ad perpetuam rei memoriam.

Exordium.

CUM, sicut accepimus, in Ordine Sancti Benedicti Congregationis Cassinensis, alias Sanctae Justinae Paduanae, qui primo ab eodem Sancto Benedicto institutus,

& deinde a tot, tantisque Patribus, sanctitate, & disciplinae regularis exemplo per diversas totius Orbis Christiani Regiones propagatus, virtute Altissimi ad laudem sui nominis jam multis ab hinc saeculis floruit, nonnulli abusus exorti fuerint, quibus nisi nostrae pastoralis sollicitudinis providentia celeriter occurratur, dubitandum sit ne hujusmodi morbo invalescente, regularis disciplinae observantia paulatim collabatur.

§.1. Nos igitur attendentes, quod ubi gubernaculum disciplinae contemnitur, restat, ut Religio naufragetur, pro nostri pastoralis officii debito praemissa convenitibus oculis pertransire nequivimus. Quapropter prius mature discussa, & examinata, adhibitis viris gravitate, prudentia, & usu rerum praestantibus, quibus negotium demandavimus, de eorum consilio hujusmodi abusus, quantum cum Domino possumus, occurrendum decrevimus. Motu igitur proprio, non ad alicujus Nobis oblatae petitionis instantiam, sed ex certa nostra scientia, ac de Apostolicae potestatis plenitudine, Congregationis praedictae, Ordinis Sancti Benedicti, in universa Italia, Insulisque ei adjacentibus septem Provincias nempe Romanam, Hetruriam, Neapolitanam, Siciliae, necnon Venetiarum, Lombardiae, ac Liguriae, per praesentes perpetuo valituras, constituimus, & deputamus, illisque sic constitutis, & deputatis:

§.2. Romanam videlicet Sancti Pauli prope, & extra muros Almae Urbis nostrae, necnon Sanctae Scholasticae Sublaci, ac Sanctae Mariae Farfensis, & extra muros Caevenatis, ac Sancti Vitalis Ravennatis, & Sancti Proculi Bononiensis, necnon ejusdem Sancti Benedicti Ferrariensis.

§.3. Et Hetruriae Sancti Eugenii Senensis, necnon SS. Florae, & Lucillae Aretinensis, necnon Sanctae Mariae Florentinensis, & Sancti Honorati Lerini, ac Sanctae Mariae Cromensis, Ragusinae Diocesis, & Sancti Petri Mutinensis, ac Sancti Petri Regiensis.

§.4. Necnon Neapolitanae ipsius Sancti Benedicti Castro Villarum, Sancti Michaelis Montis Caveosi, Sanctae Mariae Andriensis, Sanctissimae Trinitatis Cavenis, necnon Sancti Severini Neapolitanensis, ac Sancti Angeli Caetanensis, Sancti Laurentii Averlanae, & ejusdem Sancti Benedicti Montis Cassini.

§.5. Siciliae Sancti Placidi Messanensis, necnon Sancti Nicolai Cathanienensis, & Sanctae Mariae Fondroni, necnon Sanctae Flaviae, ac Sanctae Mariae Montis Regalis, & Sancti Martini Panormitanensis, necnon ejusdem Sanctae Mariae de Gangio, & Sancti Philippi de Argirione.

§.6. Ac Venetae Sancti Nicolai Listoris, necnon Sancti Georgii Venetiarum, & Sanctae Mariae de Pratalia, & Sanctae Justinae de Padua, necnon SS. Felicis, & Fortunati Vicentinae, & Sancti Nazarii Veronensis, ac Sancti Pauli de Atgon, necnon Sancti Jacobi de Pontida Bergomensis Diocesis, & Sancti Faustini, ac Sanctae Euphemiae Brixienensis.

Constitut septem Provinciarum in Italia.

Romanae.

Hetruriae.

Neapolitanae.

Siculae.

Venetiae.

Nec-



Lombardie. Huic addita sunt hic infra duo ultima loca Provinciae Thuscie.

In dictis Provinciis, novus Abbas Definitores eligendi sunt.

Ex quibus tres ex antiquioribus, quolibet anno vacent, & alii sufficiantur.

Forumque aliquo a Definitorio excluso, alter ex viciniori Provincia eligatur.

§.7. Necnon Lombardie Sancti Simplificiani, ac Sancti Petri in Glassiate Mediolanen. Sancti Spiritus, & Sancti Salvatoris Papien., necnon Sancti Sixti Placentin., ac Sanctae Mariae Gratiarum Placentin. Diocesis, & Sancti Joannis Evangelistae Parmensis, necnon Sancti Columbanii Bobienfis, ac Sancti Benedicti de Padolione.

§.8. Liguria vero Provinciae praedictis Sancti Nicolai Buschetti, Sancti Benigni, & Sancti Juliani, ac Sanctae Catharinae, necnon Sancti Hieronymi Cervariae Januensis Diocesis, ac Sancti Bartholomaei Astensis, ac Sancti Petri Salviani Taurinensis Diocesis districtorum Ordinis, & Congregationis Monasteria, etiam perpetuo subijcimus, & supponimus.

§.9. Et ut deinceps in Definitorio equalitas votorum habeatur, quod de cetero perpetuis futuris temporibus in dictis septem Provinciis novem Abbates Definitores, ex quibus Romana unum, Hetruria unum, Neapolitana unum, & Sicilia alium, & Liguria alium, Veneta vero, & Lombardia Provinciae praedictae ob illorum majorem Monasteriorum numerum pro qualibet eorum duos Abbates hujusmodi ex illis respective oriundos habeant, eligantur, ac deputentur; Distinctive novem Definitores canonice per vota, & scrutinia secreta, ut moris est, canonice electi, in quibuscumque Capitulis generalibus omnes, & singulas, tam spirituales, quam temporales gratias, & facultates ab hac Sede Apostolica eis concessas, & quas hactenus habuerunt, habeant: hac tamen ratione, ut post hac singuli Definitores septem provinciarum praedictarum diversarum nationum, & professionum existant, nulloque modo duo ex eadem natione, vel professione uno, & eodem tempore in praedicto Capitulo, licet ex diversis Provinciis praedictis professi sint, esse patiantur, sed ex eisdem Provinciis oriundi eligantur, ut supra, ac constituantur.

§.10. Et ad tollendam distorum Definitorum perpetuitatem quieti dictae Congregationis maxime contrariam, quod singulo quoque anno tres Definitores ex antiquioribus, duo nempe ex Lombardia, Veneta, & Liguria, ac unus ex Romana, Hetruria, Neapolitana, & Sicilia, Provinciis praedictis ab eodem Definitorio per biennium vacent, ac illorum loco tres substituantur respective ex eisdem Provinciis, ita ut semper unaqueque Provincia suam, vel suos semper habeat Definitorem, seu Definitores praescriptum, vel praescriptos.

§.11. At si aliqua iusta causa, Abbates alicujus Provinciae ad praedictum Capitulum non accederent, vel accedentes ab electione Definitorii exclusi remanent, seu illo anno Visitatorum officio functi essent, seu quod per biennium minime vacassent, & eo casu in praedicto Definitorio ab hujusmodi electione exclusi essent, & tunc ex Provincia illi viciniori Abbas Definitor servatis tamen superius narratis, pro illa vice tantum eligatur.

§.12. Conservatores quoque juxta Constitutiones dictae Congregationis approbatas, nempe duo ex Romana, Hetruria, & Neapolitana, alii vero ex Veneta, Lombardia, & Liguria Provinciae praedictis eligantur, ipsique sic electi cum Dei timore, omnique diligentia omnia illo anno a Definitores, Visitatoribus, ac Praesidentibus praedictis gesta, & praecipue electiones Praelatorum, & Officialium perscipiant, ac recognoscant, & quidquid contra Romanorum Pontificum Praedecessorum nostrorum decreta, ac Constitutiones dictae Congregationis factum esse reperierint, illud nullum, & irritum declarent, ac cum effectu sub privationis dignitatum, quas pro tempore obtinerent, ac inhabilitatis ad illas obtinendas poenis eo ipso incurrerent, illorum habilitationem Nobis, & Successoribus nostris Romanis Pontificibus, quodcumque existentibus, omnino reservando exequi mandent: & contra inobedientes etiam Definitores, nulla habita personarum, vel dignitatum ratione, per censuras, & poenas Ecclesiasticas, auctoritate nostra, procedant.

§.13. Et in qualibet ex Provinciis praedictis tot Abbates, Priores, Cellerarii, ac Magistri Novitiorum ex ea oriundi, quot sunt in ea Monasteria, vel Praelaturae, & Officia existant, & casu, quo in singulis Monasteriis idonei ad hoc munus subeundum minime reperiantur, tunc idonei alii ex Monasteriis ejusdem Provinciae professi subrogentur. Quod si in tota Provincia non sint tot Monachi idonei professi, qui ad praedicta officia suae Provinciae assumi possint, tunc ex Monasteriis vicinioribus alterius Provinciae idonei assumantur.

§.14. Ne autem facultas regiminis dictae Congregationis diminuta intelligatur, quod pro arbitrio dicti regiminis, Abbates, Priores, omnesque Officiales, ac singulos privatos Monachos ex Provincia in Provinciam, prout expediens ei videbitur, ut antea poterant, & valebant, ita omnia in dicta Congregatione communia sint, & esse intelligantur, amovere, & destinare possint, & valeant, nulla nationum, & personarum, seu Monasteriorum habita ratione, quinimo singuli Abbates cujusque Provinciae Monasteriis Congregationis Definitorii, & Regiminis arbitrato deputentur, & praeficiantur.

§.15. Quodque Abbates, Priores, ceterique Officiales praedicti juxta praescriptum usum dictae Congregationis alicui Monasterio non praeficiantur ultra quinquennium, & ab illius administratione, etiam per quinquennium omnino vacent. Itaut tam Abbates, quam ceteri Officiales praedicti quot annis praefuerint, tot etiam ab ejus Monasterii, ac officii administratione vacent, & quod singuli resident, nec ab eis ullo quavis colore ultra unam dietam, & per octo dies, sine licentia Praesidentis, iustam causam expressam Conservatoribus in proximo Capitulo generali exhibendam, & examinandam, an iusta fuerit causa disces-

Conservatores qui, & unde sint eligendi, & quod eorum sit munus.

Abbatum & numerus qui, & quae electio.

Abbatum a Definitorio eligendi.

Eorum munus quinquennio explicatur.

Vitam communem, & alia iustitiae observant.

Studentibus plene provideant.

Eandem ubique disciplinam servari curent.

Administratio Cellerariorum temporalis sit.

Qui Decani sint.

Visitatorum munus, & electio.

Praesentia circa Monachorum amonitionem.

Novitiorum educatio, & probatio qualis esse debeat.

sus abesse possint, & qui secus fecerint illorum arbitrio puniantur.

§.16. Ne aliis praedicantes Abbates praedicti, reprobi inveniantur, quod ad vitam communem, necnon divina Officia, tam diurna, quam nocturna, omniaque alia regulae dictae Congregationis instituta cum Dei timore, habita tamen personarum, ac temporum qualitate, concurrant, ut si cum hospitibus imediti sint, vel alia iusta causa excusentur.

§.17. Monachis vero literis operantibus, de idoneis Lectoribus, ac aliis necessariis, & decentibus rebus, ac commoditatibus illis benevolens provideant.

§.18. In omnibus quoque Monasteriis, parem formam vivendi, & vestiendi, ac regularem disciplinam ab omnibus observari curent.

§.19. In administratione autem rerum temporalium ea cautio adhibeatur, ne Praelati eam per se ipsos, ut causa vagandi tollatur, exercent: sed ea per Cellerarios a dictis Definitores, vel praedicti Ordinis regimine deputatos (corruptela, & abusu Cellerariam in pestus, ut dicunt, Abbatis concedendam, penitus sublatis) exercentur.

§.20. Ac Constitutiones praedicti Ordinis, ut Cellerarii a regimine deputati Decani existant, omnino observentur.

§.21. Duo autem Visitatores dictae Congregationis, ex Romana, Hetruria, ac Neapolitana, ac alii duo ex Lombardia, Veneta, necnon Liguria Provinciarum, praedictarum Abbatibus ex ipsismet Provinciis oriundi eligantur, qui extraneas Provincias visitent, non autem proprias, si id Definitores expedire judicaverint: alias Constitutiones dictae Congregationis serventur, & in Provincia Sicilia duo Visitatores, juxta praescriptum usum dictae Congregationis eligantur, distincte Visitatores, Deo juvante, munus suum Visitatoris cum omni diligentia subeant, ac absolvant, singulorumque Monachos, & Novitios de statu Monasterii, necnon Praepositorum, & Ministrorum qualitate, ac rerum spiritualium, & temporalium statu exactissime examinent.

§.22. Monachos vero, vel Commisos ab aliquo Monasterio, in quo saltem per annum continuum non permanserint, & quos amovendos necessarium judicaverint, super quo illorum conscientias gravamus, per illam Provinciam tantum mutare valeant, dicto Capitulo generali, mutationes de una ad aliam Provinciam (ut sumptibus superfluis parcat) reservando.

§.23. Et Novitius pro Novitiorum educatione in singulis Provinciis praedictis constituti, & constituendi in suo robore permanent, ita tamen quod in quibuslibet Novitiatibus praedictis ex ejusdemmet Provinciae hujusmodi oriundi juxta Constitutiones Apostolicas, & decreta Concilii Tridentini idonei ad probationem admittantur, ac semper, & ubique Civitatum, & locorum, in quibus Monasteria hujusmo-

di sita sint, ceteris extraneis paribus praeferrantur.

§.24. Quodque in Provincia Romana praedicta, etiam in Monasteriis S. Proculi Bononiensis, ac Sancti Benedicti Ferrariensis, Novitiatus constituatur, & in eis juvenes ex eadem Provincia oriundi ad probationem recipiantur.

§.25. Quaelibet autem Provincia illum tantum numerum Novitiorum recipiat, & ad professionem admittat, quem commode alere poterit; si vero aliqua Provincia, seu Monasterium plures Monachos, quam ex ejus redditibus alii possunt, habere comperitur, neminem recipiat, priusquam ad numerum praefixum illius professi redacti fuerint.

§.26. Et quia in dicto Monasterio Sancti Pauli de eadem Urbe ob illius aeris intemperiem (ut ajunt) Romani, vel eadem Provincia oriundi, in maximum eorum, dictae Congregationis detrimentum minime recipiuntur, quemadmodum praeteritis temporibus recipere solitum, fuit, & hoc in aliis Monasteriis servatur; quod deinceps singulo quoque anno saltem sex Novitii ad probationem ibi recipiantur, sed in dictum Monasterium Sanctae Scholasticae Sublaci, ad probationem, & professionem emittendam, sumptibus tamen, & expensis dicti Monasterii Sancti Pauli, cuius professi sint, & esse intelligantur, mittantur.

§.27. Hacque de causa saltem duo Novitii pro Monasterio Farfensi, & alii duo pro Monasterio Sublaci praedictis ex eadem Provincia Romana oriundi in dicto Novitiatu Sublaciensi usque ad numerum, qui ex illorum Monasteriorum redditibus alii, & sustentari possint, redacti fuerint, quibuscumque non obstantibus recipiantur.

§.28. Quodque quoties contigerit Abbatem dicti Monasterii Sancti Pauli oriundum, vel professum esse ex Monasteriis Lombardia, Veneta, & Liguria Provinciarum praedictis, tunc Procurator Generalis dictorum Ordinis, & Congregationis oriundus, vel saltem professus ex aliquo Monasterio Romanae, Hetruriae, vel Neapolitanae Provinciarum praedictarum, & viceversa existat, & esse debeat, nec ambo ullo umquam tempore ex Monasteriis eorundem, sed diversarum Provinciarum praedictarum esse debeat.

§.29. Similiter perpetuo statuimus, & ordinamus, ac ita ab omnibus, & singulis quos praemissa concernunt, & concernent quomodolibet in futurum, sub poena privationis vocis activae, & passivae, ipso facto incurrerent, inviolabiliter observari debere volumus, & mandamus.

§.30. Ac pro praemissorum complemento, omnia, & singula privilegia, libertates, immunitates, favores, antelationes, aliaque gratias tam spirituales, quam temporales per se. re. Eugenium Papam IV., & Gregorium XIII., necnon Clementem VIII. Romanos Pontifices Praedecessores nostros, sub quacumque verborum forma, & expressione

Novitiatus duo constituantur.

Novitiorum numerus praefinitus.

Novitii sex in Monasterio S. Pauli de Urbe singulis annis recipiantur de Provincia Romana.

Et alii quatuor in Novitiatu Sublaciensi.

Abbas d. Monasterii Sancti Pauli, & Procurator Ordinis non sint de eadem Provincia oriundi, vel professi.

Iussu praemissa observandi.

Confirmatio privilegiorum & ordinationum Pontificiarum, quae praemissis non contrariantur.



sione super dictorum Definitorum electione, dictaque Congregationis felici statu, ac directione, & alias super praemissis quomodolibet concessa, necnon singulas literas Apostolicas desuper expeditas, ac illarum formas, & continentiam, tenores, & effectus, perinde ac si de verbo ad verbum praesentibus inserta essent, dummodo praemissis contraria non existant, pariter perpetuo approbamus, & confirmamus, illisque, ac earum singulis, perpetua, ac inviolabilis firmitatis robur adijcimus, necnon omnes, & singulos, tam juris, quam facti, ac solemnitatum in his quomodolibet requisitarum, ac necessariarum defectus, excogitatos, vel non cogitatos, siqui principaliter, vel accessorie, aut alias quomodolibet intervenerint in eisdem, etsi de illis ad hoc, ut suppleri, & sanari possint, specialis, specifica, & expressa mentio facienda esset, supplemus.

Apposito clausulam preservativam.

§.31. Decernentes praedictas eorum Praedecessorum literas validas, & efficaces fore, & esse, suosque plenarios, & integros effectus sortiri ab eis, ad quos nunc spectat, & pro tempore quomodolibet spectabit, firmiter observari debere, nec ab illis ullo unquam tempore resiliere posse: sed ad illarum observationem obligatos fore, & esse, ac sub eisdem majoris excommunicationis, & privationis vocis activae, & passivae poenis cogi, & compelli, praesentes vero de subreptione, vel obreptione, seu nullitatis vitio, aut intentionis nostrae, vel quopiam alio defectu notari, seu impugnari, aut alias quomodolibet infringi, vel retractari, seu invalidari, aut ad viam, & terminos juris reduci, seu in jus, vel controversiam vocari, aut adversus eas quodcumque juris, vel facti, aut iustitiae, seu gratiae remedium intentari, impetrari, vel concedi nullatenus unquam posse: sicque ab omnibus, & singulis censi, & ita per quoscumque Iudices, etiam causarum Palatii Apostolici Auditores, sublata eis, & eorum cuilibet, quavis aliter iudicandi, & interpretandi facultate, & auctoritate, iudicari, & definiti debere, irritumque, & inane, si secus super his a quoquam quavis auctoritate, scienter, vel ignoranter contigerit attentari.

Deputatio Exequutoria.

§.32. Quocirca dilecto filio Nostro Alexandro Sancti Laurentii in Damaso, Diacono Cardinali Montalto nuncupato, S. R. E. Vice Cancellario, moderno, & pro tempore existenti dictae Congregationis Cassinensis, apud Nos, & Apostolicam Sedem Protectori, per praesentes mandamus, ut praemissa omnia, & singula per eos, ad quos spectat, & in futurum spectabit, auctoritate nostra observari curet, & faciat. Contra dictores quoscumque per censuras, & poenas Ecclesiasticas, aliaque opportuna juris, & facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

Derogatio contrariis.

§.33. Non obstantibus praemissis, ac quibuscumque Constitutionibus, & Ordinationibus Apostolicis, ac eisdem Ordinis, &

Congregationis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum, quomodolibet concessis, confirmatis, & approbatis, ceterisque contrariis quibuscumque.

Fides transumptorum.

§.34. Volumus autem, ut praesentium transumptis etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides adhibeatur, quae ipsis praesentibus haberetur, si essent exhibitae, vel ostense.

Dat. die 6. Aprilis 1607. An. II.

Datum Romae apud Sanctum Petrum, sub Annulo Piscatoris die 6. Aprilis 1607. Pont. nostri Anno II.

Sequitur declaratio, & moderatio praedictarum, ac aliarum editio ordinationum.

PAULUS PAPA QUINTUS

Ad perpetuam rei memoriam.

Romani Pontificis prudentia circumspicienda nonnumquam aliqua ex eis, quae pro bono regimine, & felici directione Religiosorum sub Regularis vitae observantia Altissimo famulantium concesserat, saniori iudicio mutat, alterat, ac disponit, prout rerum, temporum, personarum qualitatibus diligenter pensatis, conspiciunt in Domino salubriter expedire.

Exordium.

§.35. Sane cum Nos alias per quasdam in forma Brevis, sub annulo Piscatoris die 6. Aprilis 1607. Pontificatus nostri Anno Secundo confectas literas, inter alia in tota, ac universali Italia, Insulisque ei adjacentibus, septem Provincias Ordinis Sancti Benedicti Congregationis Cassinensis, alias Sanctae Justinae, nempe Romanam, Neapolitanam, Siculam, Venetam, ac Hetruriam, necnon Liguriam, & Lombardiam, perpetuo constituerimus, & deputaverimus; illisque ac eorum singulis Monasteriis dictorum Ordinis, & Congregationis in Italia, ac Insulis praedictis consistentibus, suppositis Sancti Petri Mutinensis, ac eisdem Sancti Petri Regiensis, Monasteria dictorum Ordinis, & Congregationis dictae Provinciae Hetruriae, etiam perpetuo subjecerimus, & supposuerimus, & quod ex tunc de cetero perpetuis futuris temporibus in dictis septem Provinciis novem Abbates Definidores ex illis respective oriundi, diversarum tamen nationum, & professionum, ac quatuor dictorum Ordinis, & Congregationis Visitatores ex eisdemmet Provinciis oriundi, eligerentur, & in qualibet ex Provinciis praedictis, tot Abbates, Priores, Cellerarii, ac Magistri Novitorum ex ea tamen oriundi, quot sunt in ea Monasteria, vel Praelatura, & Officia essent. Quodque quoties contingeret, Abbatem Monasterii Sancti Pauli prope, & extra muros Almae Urbis nostrae dictorum Ordinis, & Congregationis oriundum, vel professum esse ex Monasteriis Lombardia,

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Relatio nonnullorum contentorum in precedenti Bulla.

Venetae, & Liguriae Provinciarum praedictarum, tunc Procurator Generalis ipsius Ordinis, & Congregationis oriundus, vel saltem professus ex aliquo Monasterio Romanae, Neapolitanae, & Hetruriae Provinciae hujusmodi, ac viceversa esset, & esse deberet: nec ambo ullo unquam tempore ex Monasteriis earumdem, sed diversarum Provinciarum praedictarum esse deberent similiter perpetuo, prout in dictis literis plenius continetur, statuerimus, & ordinaverimus.

Causa hujus moderationis.

§.36. Nihilominus ex relatione dilectorum filiorum Anastasii a Carpenedulo Abbatis dicti Monasterii Sancti Pauli, ac Joannis Baptistae Romani, Ordinis, & Congregationis praedictorum Procuratoris Generalis, ad Nos per illorum Capitulum Generale superiori anno celebratum, ut ex literis Nobis exhibitis constat, destinatum accepimus, praedicta Monasteria Sancti Petri Mutinensis, ac ipsius Sancti Petri Regiensis eidem Provinciae Lombardiae, quam Hetruriae viciniora esse, idque illorum Abbatibus, ac Conventibus incommodum inferre, & illorum Regularibus institutis magis consonum esse, ut professi Monasteriorum dictorum Ordinis, & Congregationis, qui non sunt oriundi Civitatum, vel locorum, aut Provinciarum, in quibus professionem emisissent, omnibus illorum dignitatibus, & officiis priventur: Abbates vero, & alii Praelati dictae Provinciae Siculae a regimine ipsius Monasterii Sancti Pauli, ac officio Procuratoris Generalis dictorum Ordinis, & Congregationis, cum de eis in praedictis literis ad haec nulla mentio facta fuerit, in eorum damnum, & praerudicium excludantur.

Mutatio duorum Monasteriorum Provinciae Hetruriae.

§.37. Nos igitur in supremo dignitatis culmine, divina disponente clementia, constituti, in his remedium provisionis nostrae adhibere cupientes, dictarum literarum veteriores, & totos tenores praesentibus pro expressis habentes, motu proprio, & ex certa nostra scientia, ac de Apostolicae potestatis plenitudine, Sancti Petri Mutinensis, ac eisdem Sancti Petri Regiensis Monasteria hujusmodi, illorumque Abbates, Priores, Conventus, ac alias illorum personas nunc, & pro tempore existentes ab eadem Provincia Hetruriae perpetuo disjungimus, & separamus, illaque, & illos praedictae Provinciae Lombardiae etiam perpetuo subijcimus, & supponimus.

Professi aq. modo in Monasteriis, ex quibus non sunt oriundi, omnibus gaudent privilegiis quibus ipsi oriundi percipiuntur.

§.38. Quodque de cetero perpetuis futuris temporibus illi, qui in Monasteriis dictorum Ordinis, & Congregationis Civitatum, & locorum, ex quibus non sunt oriundi, ad praesens professi existunt, non autem qui de cetero ad ipsorum Ordinis, & Congregationis habitus susceptionem, ac professionem regularem admitterentur, omnibus, & singulis privilegiis, libertatibus, immunitatibus, favoribus, antelationibus, praerogativis, aliisque gratis, tam spiritualibus, quam temporalibus, quibus oriundi Civitatum, locorum, & Provinciarum hujusmodi utuntur, potiuntur, & gaudent, ac Bull. Rom. Tom. V. Par. III.

uti, potiri, & gaudere possunt, & poterunt quomodolibet in futurum, pariter, & pariformiter, ac aequae principaliter in omnibus, & per omnia, perinde ac si eis oriundi essent, utantur, potiuntur, & gaudeant, ac nihilominus oriundi ceteris paribus professis, in assequutione dignitatum, ac officiorum hujusmodi praerantur.

Qui ad Abbatiam Sancti Pauli concurrant.

§.39. Quodque Abbates, & Priores dictae Provinciae Siculae una cum Abbatibus, & Prioribus Romanae, Neapolitanae, & Hetruriae Provinciarum praedictarum ad regimen dicti Monasterii Sancti Pauli, & officium Procuratoris Generalis hujusmodi concurrant, ac ad illa, & eorum alterum ad instar Abbatum, & aliorum Priorum aliarum Provinciarum praedictarum eligi possint, & valeant.

Praelatorum numerus designantur.

§.40. Ac pro pace inter regulares personas dictorum Ordinis, & Congregationis conservanda, illorumque augmento, quod in singulis eorum Monasteriis pro quolibet decimotertio numero Monachorum professorum unus graduatus, nempe unus Abbas, vel Procurator Generalis, aut Cancellarius Praefidis, sive unus Prior pro qualitate, & capacitate professorum singulorum respective Monasteriorum, & pro quinque Monachis professis unus Decanus, computatis Cellerariis, ac Novitorum Magistris, Confessoribus Monialium, ac Rectoribus, aliisque Officialibus, ita tamen quod ipsi Decani numerum tercentum non excedant, assignentur.

Decanorum approbatio, quae fit.

§.41. Ad officium tamen Decanorum quoad sufficientiam literarum, illi dumtaxat Monachi assumantur, qui vel per Examinatores ab Ordinariis locorum pro tempore deputatos, seu per dictos Visitatores, vel alios ab ipsis Visitatoribus, vel Definitoribus subrogatos, ad confessiones Christianorum audiendas examinati cum effectu per patentes literas in forma probanti Visitatoribus tradendas, & ab ipsismet Visitatoribus, an favore, vel merito illas impetraverint examinandas, & Definitoribus Capituli Generalis praesentandis tamquam idonei approbati fuerint. Quo vero ad integritatem vitae, & morum probitatem, pro potiori cautela, & securitate exactissimam inquisitionem faciant Visitatores examinando tam Abbates, Priores, quam ceteros Monachos cum omni diligentia, ac puram, & meram veritatem repertam Definitoribus in scriptis medio eorum juramento deferant.

Observantia Constitutionum approbatarum a Greg. XIII.

§.42. Praeterea quod Constitutiones dictorum Ordinis, & Congregationis per felicis Gregorium Papam XIII. Praedecessorem nostrum, approbatae, & confirmatae, in omnibus, & per omnia, sub poenis a Definitoribus statuendis, ac praefigendis, pro singulis transgressionibus praefatarum Constitutionum ipso facto incurrendis, dummodo per alias Constitutiones Apostolicas revocatae non sint, inviolabiliter observentur.

Horae Canonice in Choro recitentur.

§.43. In Monasteriis dictorum Ordinis, & Congregationis, etiam in quibus licet



Culpa Monachorum...

Lectio casu conscientie...

Carnes non edantur...

Contravenientium...

Decreta Congregationis...

Observantia...

Additio claufularum...

tantum decem pro Conyentu Monachi existant...

§.44. Culpa Monachorum in Capitulo...

§.45. Missaeque decantentur, & lectio casuum conscientiae...

§.46. In Refectorio lectio assidua audiatur.

§.47. Carnes vero in illis Monasteriis, ac temporibus tantum in Constitutionibus praedictis praescriptis...

§.48. Praemissaque omnia non observantes, tam Superiores, quam inferiores voce activa, & passiva ad arbitrium dictorum omnium Definitorum...

§.49. Quodque decreta facta, & non impressa, ac imposterum facienda pro bono regimine dictorum Ordinis...

§.50. In reliquis vero omnia, & singula in praedictis nostris literis contenta in omnibus, & per omnia juxta illorum tenorem observentur...

§.51. Praesentes vero nostras literas de subreptionis, vel obreptionis, seu nullitatis vitio, ac intentionis nostrae, vel quopiam alio defectu notari, seu impugnari...

auctoritate fungent, etiam causarum Palatii nostri Apostolici Auditores, sublata eis, & eorum cuilibet, quavis aliter judicandi, ac interpretandi facultate...

§.52. Quocirca dilectis filiis praedictorum Ordinis, & Congregationis Protectori nunc, & pro tempore existenti, necnon Curiae causarum Camerae nostrae Apostolicae generali Auditori nunc, & pro tempore existentibus per praesentes committimus, & mandamus, quatenus ipsi, vel duo, aut unus eorum per se, vel alium, seu alios, praesentes nostras literas, ac in eis contenta quaecumque, ubi, & quando, ac toties quoties opus fuerit, ac pro parte nunc, & pro tempore existentium dictorum Ordinis, & Congregationis Fratrum, aut alius eorum nomine, & Congregationis requisiti fuerint, solemniter publicantes, eisque in praemissis efficacis defensionis praesidio assistent, faciant eas, & ea auctoritate nostra ab omnibus inviolabiliter observari...

§.53. Non obstantibus praemissis, ac felicis record. Bonifacii Papae VIII. Praedecessoris nostri de una, & Concilii generalis de duabus dietis, dummodo quis vigore praesentium extra suam Civitatem, & Diocesim ultra tres dietas ad iudicium non trahatur, aliisque Constitutionibus, & Ordinationibus Apostolicis, & quatenus opus sit, dictorum Ordinis, & Congregationis, etiam juramento, confirmatione Apostolica, vel quavis alia firmitate roboratis statutis, stabilimentis, usibus, & consuetudinibus, ceterisque contrariis quibuscumque; aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Datum Romae apud Sanctum Petrum sub Annulo Piscatoris die 21. Martii 1608. Pont. nostri Anno III.

Deputatio executorum

Derogatio contractuum

Dat. die 21. Martii 1608. An. III.

Man-

L X I X.

Ex Regest. in Secret. Brev.

Mandatum Episcopo Civitatis Plebis capiendi possessionem nomine Sedis, & Camerae Apostolicae Campi Orfeoli post mortem Scipionis Piccolominei.

Venerabili Fratri Fabricio Episcopo Civitatis Plebis.

PAULUS PAPA V.

Venerabilis frater salutem, & Apostolicam benedictionem.

Castrum Campi Piccolominei in Feudum masculinum ab Apostolica Sede concessum.

§.1. CUM, sicut accepimus, dilectus filius Scipio Piccolomineus graviter egrotet, & si quid humanitus illi contingat, nullum filium legitimum, & naturalem relinquitur sit, & Castrum Campi Orfeoli, Civitatis Plebis Diocesis, ab illo detentum, quod ab Apostolica Sede ejus Antecessoribus in Feudum concessum fuit, prout in investituris plenius continetur, quas praesentibus haberi volumus pro expressis, ob lineam finitam, seu ob alias etiam causas una cum omnibus ejus Territoriis, membris, & pertinentiis, ac juribus universis ad Nos, & eandem Sedem, & Cameraam nostram legitime devolvendum, seu devolutum sit;

Mandatum de quo infra blica.

§.2. Nos tua fide, & diligentia freti, tibi per praesentes committimus, & mandamus, ut si contingat, dictum Scipionem suum diem obire, statim, nullo alio a Nobis expectato mandato, dicti Castrum, ejusque jurium, & pertinentiarum quorumcumque corporalem, realem, & actualem possessionem, Nostro, ac Sedis, & Camerae praedictarum nominibus, apprehendas, & retineas, donec aliud a Nobis habueris in mandatis.

Concessio derogatio.

Dat. die 24. Aprilis 1607. An. II.

§.3. In contrarium facientibus non obstantibus quibuscumque. Datum Romae apud Sanctum Marcum sub Annulo Piscatoris die 24. Aprilis 1607. Pont. nostri Anno II.

L X X.

Ex Regest. in Secret. Brev.

Confirmatio Privilegiorum Hospitali 300. Cocorum Parisiis erecto a Summis Pontificibus concessorum.

PAULUS PAPA V.

Ad perpetuam rei memoriam.

Proximam.

Inter cetera Christianae pietatis officia illud magnopere placere Domino nostro Iesu Christo certum est, quod circa pauperum miserabilium, quales profecto sunt pauperes oculorum lumine orbati, subventionem, & alimoniam versatur. Proinde Nos illius vices quamquam immeriti gerimus, Bull. Rom. Tom. V. Par. III.

rentes in Terris, & ejus divino eloquio edocti, qui tantopere pauperes commendat, ea, quae pro eorumdem Pauperum Caecorum sustentatione ex Apostolica Sedis benignitate, ac piorum Regum, & Principum munificentia liberaliter concessa, & approbata reperuntur, ut perpetuo firmiora subsistant Apostolicae firmitatis robore libenter communimus, prout in Domino salubriter conspiciamus expedire.

§.1. Alias siquidem, prout accepimus, tam Charissimi in Christo filii Nostri Henrici Francorum Regis Christianissimi, quam tunc existentium Syndicorum, Gubernatorum, & Administratorum Hospitalis Trecentorum Pauperum Caecorum S. Remigii Parisiensis nominibus sae re: Clementi Papae VIII. Praedecessori nostro exposito, quod olim cum Sanctus Ludovicus eorumdem Francorum Rex tunc in humanis agens magna militum, & armigerorum multitudine comitante, ad Partes Infidelium, ut ab eorum manibus Terram Sanctam eriperet, se transfulisset, ipsique Infideles trecentis ex ipsis militibus captivis oculis eruisent, dictus Ludovicus Rex in suum Regnum Franciae reversus ad, praemissorum perpetuam habitationem in Civitate Parisiensi Hospitali praedictum fundaverat, & instituerat, ac hujusmodi trecentis Pauperibus Caecis in eodem Hospitali pro tempore degentibus signum filii in pectore deferendi, necnon pro eorum vitae subsidio per dictum Regnum perquirendis nuntios, & quaestores deputandi licentiam concesserat, Archiepiscopis quoque, Episcopis, & aliis Praelatis ejusdem Regni, ut nuntios, & quaestores hujusmodi admitterent, Apostolica auctoritate mandari obtinuerat, ipsumque Hospitali pluribus privilegiis, gratiis, & immunitatibus, & libertatibus per Sedem Apostolicam approbatis insigniri curaverat: sed morte praeventus illud, prout decebat, dotare non potuerat. Postmodum vero sae re: Sixtus Papa IV. Praedecessor Noster, ut pauperes in eodem S. Remigii, ac illi unitis sancti Spiritus prope Civitatem Rothomagensis, & S. Michaelis Hospitalibus degentes fidelium elemosynis amplius adjuvarentur, Magistris, Administratoribus, Servitoribus, ac aliis personis pro tempore exercentibus tam S. Remigii, quam illi unitorum Hospitalium praedictorum illorum fructus, redditus, proventus, elemosynas, quaestus, & oblationes pro ipsis Hospitalibus, eorumque Servitoribus pauperibus, & ministris eligendas, recipiendi, illasque secundum Deum, & eorum conscientias, in usus, & utilitatem eorumdem Hospitalium convertendi, necnon in Ecclesiis, Monasteriis, & locis Regni Franciae, ac illi adiacentium Civitatum, & oppidorum, ad qua dicti quaestores nomine Hospitalium, & pauperum praedictorum admitterentur, receptores, & Caplas pro elemosynis recipiendis, & conservandis deputandi, ac circa ea, quae in utilitatem, commodum, & conservationem Hospitalium, & pauperum praedictorum cederent, statuendi, & ordinandi, necnon

Factio hujus Hospitalis re-tenetur.

Concessioque privilegia a Sixto PP. IV.

K k 2 fu.